



Declaracia vaş o xakaja/drepturja

DINI JEKHE MANUSESQE K-O PANDAIMOS PUCHLĂRIPNASQO TRAFIKO LE DROGURĂ/DRABA (ART. 63, 63-1, 706-73, 3° ET 706-88 KATAR O CODO LA PROCEDURAQO PENALO)

Le informacie maj tele si tuqe dine ande jekh şib kai te xatăres/halôves la.

Şaj te inkeres tuça kado documento ʒi kana teleares pandaimaθar.

Te ʒanes ke san şuto/i ando pandaimos puchlăripnasqo anda kodoia ke si jekh vaj maj but aşa/motivură te pakial-pe ke kerdian vaj zumadăn te keres jekh delikto vaj/sau maj nasul sar jekh delikto (krima) pandle le droghenqe trafikeça.

Daştis te ʒanes i kvalifikacia, i data thaj o than kaj patăl pes ke kerdian i infrakcia savesqe akuzonen tut thaj sosθar sas şutino ando pandaimos.

Va avesa pućlo pal kadala bută save akuzonen tut andi vremia kana va beşesa kate. Şaj te aves inkerdo kate 24 çeasură.

Pala kodoia, angle so te aves meklo, o Prokurori la Republikaqo vaj/sau o krisărno la investigaciaqo şaj te lungărel o inkerimos le pandaimosqo panda 24 çeasură. Kaşte lungărien tiro inkerimos çí maj trebun te aves angherdo angla kado Krisărno. Eksçeptionalo, kana trebun pande i anketa vaj kaşte roden probe, kadi peroada/vaxt 24 çeasurenqe şaj te avel lungărdo duj var katar o prokurori la Republikaqo vaj/sau o krisărno la investigaciaqo.

Thajsar, pala so nakel 48 çeasură thaj maj trebun te avel kerde rodimata, o Prokurori la Republikaqo daştil te maghel katoa krisărno tar la libertateaqo thaj le pandaimasqo vaj katar o krisărno la investigaciaqo te avel lungărdo tiri pandaimos numaj jekh data anda aver 48 çeasură.

Kana agorel-pes/terminil-pe o phandaimos, o Prokurori la Republikaqo vaj/sau o krisărno la investigaciaqo şaj te mekel tut te ʒas avri vaj/sau şaj te şios tut te ʒias angle o Krisărno. Te trebun te ʒias angle o Krisărno, va avesa angherdo angla lesθe ande kodo ghies. Te avel thana kai te şiol tut hai te na beşlian mai but sar 72 çeasuă ʒi atunc, va daştina te aʒukeres vi o ghies kai avel, tha maksimum 20 çeasuriă paloa pandaimos le puchlăripnasqo. Te beşelas mai but sar 72 çeasură ando pandaimos, avela te aves angherdo angle o Krisărno butsiqo paloa pandaimos puchlăripnasqo.

Te ʒianes ke si tut o drepto/xakaj/pravo te :

Penes jekhe manusesqe ke san pandado

Şaj te manghes varekon te akarel jekh manus saveia beşes, sau tiro dad ile tiri dei, vaj jekh pral vaj jekh pei kaşte daştis te penes-lesqe ke san pandado.

Le şingale daştin vi te penen le manusesqe savesqe keres buki ke san pandado.

Te na aves Francezo, daştis te penes le şingalenqe te akaren le autoritată k-i konsulato le themesqi kotar san.

Normalo, kadala bută avela te aven kerde ando maksimo 3 çeasură kaθar o momento so manghes len numaj kana naştil pe, şaj vi maj palal.

Te keres tu rig ande jekh protekcia Źuridico, tiro tutoro vaj tiro pravarno sau tiro arakno va avela te avel pendo lesqe so si tuça.

O Prokurori la Republikaqo (vaj o krisărno la investigaciaqo) daştin te na den tuqe kadala drepturi/xakaja/pravo, anda kodoia ke trebun te avel konservime le dovezi sau te na avel mudardo, pandado vaj mardo varekon. Te avel lungărdo o timpo/vaxt kana beşes ando pandaimos 48 çeasurença, o Prokurori la Republikaqo vaj o krisărno tar la libertateaqo thaj le pandaimasqo (vaj o krisărno la investigaciaqo) daştin vi atinç te na muken tut te des дума tira familiaça anda kodoia ke sine sea kodola motivură.

Te des дума/vakăres jekhe manușeça

Daštis te manghes te des дума varekaça lilorença xramosaripe, le telefoñoça vaj te avel varikon kate te des дума/vakăres leça.

O șingalo șaj te na mekel tut te des дума jeka persoanaqe kana nailo compatibilo le motivença anda save san pandado. Vo va alosarela kana, sar thaj sode vremia șaj te vakăres. Te žianes ke či daštis te des дума maj but sar 30 minutea thaj o șingalo trebul te așunel tut kana vakăres.

Te beșens ando pandaimos maj but sar 48 ceasură, atunc o șingalo trebul te mekel tut te des дума le autoritatença k-i konsulato le themesqi kotar san.

Te dikel tut jekh doktoro

Șaj te manghes te dikel tut jekh doktoro kana areses le șingalenghe thaj vi kana beșes maj but sar 24 ceasură te kames. Te beșes maj bur sar 48 ceasură, atunc o doktoro va avela musaj te dikel tut thaj o șingalo trebul te penel tuqe ke daštis te manghes jekh doktoro te avel te dikel tut.

Te keres tu rig ande jekh protekcia Žuridico, tiro tutoro vaj tiro pravarno vaj tiro arakno daștil te manghel te dikel tut jekh doktoro.

Te keres declaracia tu korkoro, te penes so pușel tut vaj te na des дума khanć

Maj anglal trebul musaj te penes kon san, tha pala kodoia si tut drepto/xakaj/pravo te :

- keres deklaracia korkoro,
- penes pale kana pușel tut,
- vaj te na vakăres/penes khanć.

Te avel tut jekh avokato

Te alosares o avokato

Katar o inceputo/șird le pandaimosqo tha vi kana kames, te avel lungărdo tiro ankerimos, katar o inceputo/șird șaj te manghes jekh avokato, savo kames tu. Te či prinjianes či jekh avokato vaj naštis te akares tire avokatos, șaj te manghes te motos jekhe avokatoça katar o them, bi lovenqo (commis d'office).

Tiro avokato daștil te avel akardo katar jekh persoana savença deas дума, atunc trebul vi tu te žanes o anav le avokatosko.

Te keres tu rig ande jekh protekcia Žuridico, tiro tutoro vaj tiro pravarno vaj tiro arakno daștil te manghel anda tute jekh avokato o vaj te manghel jekh avokato katar o them.

Ažutimos le avokatosqo

O avokato alosardo șaj te del дума tuça 30 minutea bi te așunel tumen konik. Te beșes maj but șaj te manghes te des дума tire avokatoça jekh var maj but.

Vo va daștila vi te beșel tuça kana pușen tut thaj ande sea le bută kai manghen tut le șingale te keres. Kaște beșel tuça trebul te manghes kado buki le șingalenqe.

O timpo/vaxt ži kana aresel o avokato

Paloa nevoje la anketaqe save spiden len te pușen tut imediato, o Prokurori la Republikaqo vaj o krisărno la investigaciaqo șaj te den i autorizacia, lilença xramosardi kaj penel vi le motivură sosqe, kaște pușen tut bi te maj ațukerel 2 ceasură te aresel o avokato.

Te avel niște motivură bare, o Prokurori la Republikaqo vaj o krisărno tar la libertateaqo thaj le pandaimasqo vaj o krisărno la investigaciaqo daștin te na mekel o avokato te avel sau/vaj te mekel les te avel numaj 72 ceasură pale.

Te aves ažutime katar jekh tradukatori/rinćhibărno

Te či des дума vaj te na xatăres Franezo, șaj te manghes te avel tuça jekh tradukatori/rinćhibărno bi lovenqo kaște daštis te vakăres tire avokatoça hai te ažutil tut te penes pale kol pușimata.

Te penes bută kaște mukel tut maj sigo katar o pandaimos

Șaj te penes bută ko Prokurori la Republikaqo vaj o krisărno la investigaciaqo, kana von va kamena te lugărel o pandaimos. Le bută kai va penesa si anda kodoia kai te mekel tut avri maj sigo.

Te dikes nište bută dand-i tiri dosari

Te manghes tut vaj tiro avokato, šaj te manghes, anga so te penel tuqe ke tiro pandaimos va avela lungărdo, te daštis te dikes :

- o proceso-verbali la informaciaqo ke sas šiutino ando pandaimos puchlăripnasqo ;
- o certifikato vj le certificatea le sastimasqo kai kerdeas len o doktoro kana diklea tut ;
- o proces-verbalo vaj le procesea-verbală le puchlăripnasqo.

Te penes so kames ko prokurori la Republikaqo

Pala jekh berś so mekel tut avri katar e pandaimos, šaj te manghes katar o prokurori la Republikaqo andai jekh liloro recomandime le avisiača la rećepciaqo te dikes tiri dosari le proceduraqo thaj te daštis te keres nište observaci.